

**Javna ustanova Opća bolnica
„Prim. dr Abdulah Nakaš“
Broj: 10056-2/18
Sarajevo, 21.11.2018. godine**

Na osnovu člana 18. Zakona o javnim nabavkama Bosne i Hercegovine («Službeni glasnik BiH» broj 39/14) - u daljem tekstu: ZJN, direktor Javne ustanove Opća bolnica “Prim. dr Abdulah Nakaš” donosi

O D L U K U
o pokretanju postupka javne nabavke

Član 1.

Javna ustanova Opća bolnica “Prim. dr Abdulah Nakaš” u skladu sa ukazanom i planiranom potrebom, pokreće pregovarački postupak bez objave obavještenja za nabavku roba: Trapezi i trakcioni sistemi za bolesničke krevete (JRJN: 33192000-2).

Nabavka iz stava 1. obaviti će se pod rednim brojem JN-110/18.

Član 2.

Zakonski osnov za provođenje postupka javne nabavke predstavlja član 22. stav (1) tačka b) ZJN.

Član 3.

Predmet javne nabavke, određen na osnovu VIII. Izmjena i dopuna Plana nabavki za 2018. godinu broj 24-186/18 od 08.11.2018. godine (stavka 3., strana 1.).

Član 4.

Procijenjena vrijednost javne nabavke iznosi do 102.000,00 KM bez uračunatog PDV-a.

Član 5.

Podaci o izvoru – načinu finansiranja: Sredstva za nabavku roba su osigurana od Zavoda zdravstvenog osiguranja Kantona Sarajevo, a u skladu sa Finansijskim planom ZZO KS za 2018. godinu.

Član 6.

Vrsta postupka javne nabavke: Nabavka roba iz člana 1. izvršiti će se shodno odredbama Zakona o javnim nabavkama BiH putem pregovaračkog postupka bez objave obavještenja. Nije predviđeno zaključivanje okvirnog sporazuma.

Član 7.

Rok za provođenje postupka javne nabavke je do okončanja postupka nabavke predmetnih roba. Ostali uslovi javne nabavke su određeni tenderskom dokumentacijom.

Član 8.

Ova Odluka stupa na snagu danom donošenja.

O b r a z l o ž e n j e

Šef Odsjeka za javne nabavke Amira Petrović, BA općeg prava, obratila se putem protokola ove ustanove Zahtjevom za provođenje postupka javne nabavke roba broj 10056/18 od 19.11.2018. godine za donošenje Odluke o provođenju postupka javne nabavke roba: Trapezi i trakcioni sistemi za bolesničke krevete, putem pregovaračkog postupka bez objave obavještenja.

Ugovorni organ ima potrebu za dodatnom isporukom Trapeza i trakcionih sistema za bolesničke krevete od dobavljača iz osnovnog ugovora koje su namijenjene za funkcionisanje bolesničkih kreveta. Naime, Ugovorni organ je donio Odluku o pokretanju postupka javne nabavke roba: Bolesnički kreveti sa pratećom opremom, putem otvorenog postupka. Nakon provedenog postupka Ugovor o javnoj nabavi roba/Okvirni sporazum je zaključen dana 31.08.2018. godine sa „SEDŽAN INGENERING“ d.o.o. Sarajevo kao Dobavljačem. Predmetna roba nije bila predviđena u osnovnom ugovoru, tako da dodatna isporuka predstavlja proširenje obima proizvoda kao posljedica nedostataka koji su uočeni prilikom pregleda bolesničkih kreveta a isti nisu bili predviđeni u toku postupka nabavke i ugovaranja. Samostalna predmetna nabavka neovisna od postojećeg Dobavljača mogla bi izazvati nabavku drugačije robe drugih tehničkih karakteristika što bi rezultiralo neskladom i nesrazmjerom i dovelo bi do značajnih tehničkih poteškoća u funkcionisanju bolesničkih kreveta. Vrijednost osnovnog ugovora broj 3332-12/18 od 31.08.2018. godine je 1.020.040,00 KM bez uračunatog PDV-a, a procijenjena vrijednost trapeza i trakcionih sistema za bolesničke krevete iznosi 102.000,00 KM bez uračunatog PDV-a iz čega je vidljivo da ne prelazi 10% od vrijednosti osnovnog ugovora/okvirnog sporazuma.

Analizirajući predmetni zahtjev, šef Odsjeka za javne nabavke je utvrdio da su ispunjene pretpostavke za realizaciju nabavke, te je shodno zakonu i općim aktima Javne ustanove Opća bolnica „Prim. dr. Abdulah Nakaš“ dostavio predmetni zahtjev direktoru Javne ustanove Opća bolnica „Prim. dr. Abdulah Nakaš“ na konačno odobrenje.

Imajući u vidu navedeno odlučeno je kao u dispozitivu.

DOSTAVITI:

- ☉ Sekretaru Komisije za javne nabavke
- Odsjek za javne nabavke
- A/a

